

# **REFERAT MIA - Meeqqanut Ilaqutariinnullu Ataatsimiititaq d. 07-05-2020**

**Mødedato** Torsdag d. 07. maj 2020 kl. 18:00

**Mødested** Kommunalbestyrelsesip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Aalajangiiffissat.....	7
Ataatsimiititat angalanissaat pillugit eqqartuineq.....	8
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ii	11
Tasiilami siusissukkut iliuuseqarneq.....	12
Taasariaqartut allat.....	15
Oqaluuserisassat matoqqasut.....	16
Lukket.....	17
Taasariaqartut allat.....	18

## **Punkt 0: Saqqaa**

### **Ilaasortat:**

Uju Petersen (IA), siulittaasoq.

Hans Jukku Noahsen (IA)

Inge Olsvig Brandt (IA)

Knud Mathiassen (IA)

Ane Egede Mathæussen (S)

### **Beslutning**

Najuuttut: Uju Petersen (IA), Hans Jukku Noahsen (IA) aamma Ane Egede Mathæussen (S)

Oqarasuaatikkut: Inge Olsvig Brandt (IA) aamma Henrik Rachlev (IA)

Peqataanngitsoq: Knud Mathiassen (IA)

## **Punkt 1: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

## Punkt 2: Nalunaarutit

2a. Siulittaasumit nalunaarutit

2b. Ingerlatsivimmit nalunaarutit

### Beslutning

2a. Kommuneqarfik Sermersuumi Meeqqanut Ilaqutariinnullu Ataatsimiititaq Nuummi innuttaasunik ataatsimiititsissaaq, marlunngorneq 12. Maaji 2020

Meeqqanut Ilaqutariinnullu Ataatsimiititaq sisamanik qulequtaqarpoq suliarineqartussanik:

- Oqartussaqaarfinnik allanik assigiinngitsunik suliaqartartunik suleqateqarneq
- Tasiilami meeqqanut inuusuttunullu tunngasut
- Ilaqutariinnut meeqqanullu atugarliortunut suliniutit

2b. Oqartussaaffeqarfimmut fagchefip ilisimatitsissutigaa, coronap ajornartoortitsinerata nalaani ingerlatsivik ilungersunartorsiorsimasoq. Ingerlatsivik ajutoornermi sillimmatit najoqqutaralugit sulisut ikilillugit ingerlasimavoq, taamaasillutik meeqqat tuaviortumik ikiorneqarnissaminnik pisariaqartitsisut pillugit saaffiginnissutit tamarmik naammassineqarniassammata. Siusissukkut imatut aqqissuussissoqarpoq, sulisut tamarmik allaffimmi sulisinnaasut imaluunniit angerlarsimaffimminni. Sulisut ingerlatsiviup ajornartoornermi sillimmatai pitsaasumik siunnerfilimmillu tiguaat, kisianni ajornartoorerup nalaani naammassisakinnerusoqarpoq.

Fagchefip ilanngullugu ilisimatitsissutigaa, Oqartussaaffeqarfik nutaamik aqqissuuteqqinneqarsimasoq. Suliassaqaarfimmi immikkoortortat marluk allannguuteqanngillat, Innersuussisartoqatigiit aamma Ilaqutariinnut Immikkoortortaqaarfik, suleqatigiikkuutaat maannamut atuuttut allannguuteqanngillat, kisialli suleqatigiikkuutaat nuutiternikuupput. Innersuussisartoqatigiit sulianik meeqqat angerlarsimaffimminni najugallit aammalu meeqqat innarlutillit pillugit nalunaaruteqarnerit isumagisarpaat. Ilaqutariinnut immikkoortortaqaarfiup isumaginninnikkut suliatigut misissuinerit suliarisarpaat, aammalu meeqqat angerlarsimaffiup avataanut inissinneqarsimasut sulianillu malitseqartitsinerit isumagisarlugit.

Naggataatigut fagchefip ilisimatitsissutigaa, atorfimmik allanngortitsisoqarsimasoq, taamaasilluni siunnersortitut atorfimmik pinngortitsisoqarsimalluni, taassumalu ilaqutariinnik aqutissiuissisarneq familierådslagning ineriartortissavaa ataqatigiissaarlugulu. Maanna isumaginninnermi sullissisutut atorfiit arlallit inuttalernerqaqqammerput, taamaasillutik atorfiit inuttaqanngitsut tamarmik siullerpaamik inuttalernerqarlutik. Ilaqutariinnut immikkoortortaqaarfimmi aqutsisutut atorfik maannakkorpiaq inuttassarsiorneqarpoq.

## **Punkt 3: Ilisimatitsissutit**

Soqanngilaq

**Beslutning**

Soqanngilaq

## **Punkt 4: Aalajangiiffissat**

## **Punkt 04A: Ataatsimiititat angalanissaat pillugit eqqartuineq**

### **Beslutning**

Inassuteqaat akuersissutigineqarpoq, 2020-mi ataatsimiititat angalanissaat ataasiinnanngortillugu.

Tamannali kingusinnerusukkut oqaluusereqqinneqassaaq.

### **Bilag**

Hvor rejser udvalgene hen med kommentarer-1 35465 KAL.docx

## **Ataatsimiititat angalanissaat pillugit eqqartuineq**

Aalajangiiffigisassaq

J.nr.: 01.02

Suliffeqarfimmut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Ataatsimiititat ukiut tamaasa marloriarlutik ataatsimiititatut angalasinnaapput. Ukioq 2020-mi ataatsimiititat ataavartut kommunip killeqarfiata iluani ataasiarlutik angalasinnaapput aamma kommunip killeqarfiata avataani ataasiarlutik angalanissamut periarfissaqarput, taavalu Aningaasaqarnermut Inuussutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mi ataatsimiititat arlaannaalluunniit angalanikuunngillat.

### **Inassuteqaat**

Suliffeqarfimmut Kiffartuussiviup Meeqqanut Ilaqutariinnullu Ataatsimiititamut inassuteqaatigaa:

- ataatsimiititap 2020-imi angalanissai marlunniit ataatsimut ikilisinneqassanersut aalajangerneqassasoq

### **Suliassamik saqqummiussineq**

Ataatsimiititat ukiut tamaasa marloriarlutik ataatsimiititatut angalasinnaapput. Ukioq 2020-mi ataatsimiititat ataavartut kommunip killeqarfiata iluani ataasiarluni angalasinnaavoq aamma kommunip killeqarfiata avataani ataasiarluni angalanissamut periarfissaqarpoq, taavalu Aningaasaqarnermut Inuussutissarsiornermullu Ataatsimiititaq kommunip killeqarfiata iluani marloriarluni angalasinnaalluni.

Ukioq 2020-mut missingersuusionermermut atatillugu Kommunalbestyrelsip aalajangerpaa ataatsimiititat ataatsimoorlutik angalasassasut. Ataatsimiititat marluk ataatsimuussapput, ataatsimoorlutillu angalaqatigiillutik.

### *Aaqqiissutissatut siunnersuut – suliatigut naliliineq*

Maannakkut COVID-19-ip ajornartoortitsinera aallaavigalugu 2020-milu upernaakkut suliata ikilinerat pissutigalugu, ataatsimiititat suli angalanikuunngillat.

Tamanna eqqarsaatigalugu, inassuteqaatigineqarpoq 2020-mi angalanerit marlunniit ataasiinnangortissanersoq ataatsimiititap aalajangissagaa.

### *Aningaasatigut sulisoqarnikkullu naliliinerit*

Aningaasaqarnermut Inuussutissarsiornermullu Ataatsimiititap angalanissaanut 175.000-it immikkoortinneqarnikuupput aammalu ataatsimiititat ataavartut tamarmik immikkut ataatsimiititatut angalanissaannut 125.000-it immikkoortinneqarnikuullutik.

Aningaasaqarnermut Inuussutissarsiornermullu Ataatsimiititap Ittoqqortoormiiliarnissaralua taamaatinneqarmat, ataatsimiititaq angalanissamut 60.000 kr.-niniq utertinneqarsinnaanngitsunik atuereersimavoq.

Suliffeqarnermut Isumaginninnermullu Ataatsimiititap aammalu Meeqqanut Atuarfeqarnermullu Ataatsimiititap Alaskaliarnissaa aamma taamaatinneqarpoq. Angalatitseqatigiiffiup nalunaarutigaa, aningaasartuutaasimasut amerlanersaat utertinneqarsinnaasut. Maannakkorpiat ataatsimiititat angalanissaminnut 150.000 kr.-it utertinneqarsinnaanngitsut atoreersimavaat.

Angalatitseqatigiiffiup suli 100.000 kr.-it utertinneqarnissaat, taakkualuunniit ilaannaasa

utertinneqarnissaat pillugu uppersaatait utaqqivai. Imaappoq, ataatsimiitit 150.000 aamma 250.000 kr.-it ataatsimiitit angalanissaannut atoreersimavaat.

*Inatsitigut tunngavissaq allakkallu tunngaviusumik uppersaatitallit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

*Ingerlariaqqinnissaq*

Ataatsimiititap aalajangenera piviusunngortinneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Soqanngilaq.

**Ilanngussat**

1. Ataatsimiitit angalanissaannut pilersaarut

**Punkt 5: Suliat Aningaasaqarnermut Inuussutissaqarnermullu  
Ataatsimiititamut Kommunalbestyrelsimullu ingerlateqqitassat**

## **Punkt 05A: Tasiilami siusissukkut iliuuseqarneq**

### **Beslutning**

Inassuteqaat akuerineqarpoq

### **Bilag**

Siusissukkut iliuuseqarneq pillugu saqqummiussaq

## **Tasiilami siusissukut iliuuseqarneq**

Armarngivat allanngortinneqarnera

Aalajangiiffigisassaq

J.nr.: 42.00

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

### **Suliassamik eqikkaaneq**

Kommunalbestyrelsen illoq 26. agusti 2019-imi Tasiilami siunissaq eqqarsaatigalugu suliniuteqarnissaq pillugu immikkut sammisaqarnermi Tasiilami meeqqat ukioqanngitsuniit pingasut tikillugit ukiullit angajoqqaavinut siusissukut iliuuseqartarnissamik suliniuteqarnissaq immaqalu Armarngivat allanngortinneqarsinnaanera eqqartorneqarput. Armarngivat namminersortumik ingerlataavoq, namminerisamillu siulersuisoqarluni, siunertamillu allannguisoqarnissamik siulersuisut isumalluarput. Meeqqanut Ilaqutariinnullu Ingerlatsiviup kissaatigaa, Armarngivat katsorsaavittut Anaanat-Meeqqallu Illuat, allanngortinneqassasoq.

Suliaq Meeqqanut Ilaqutariinnullu Ataatsimiititami apriliip 14-ianni 2020-mi oqaluuserineqarpoq, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamat ilisimatitsissutitut ingerlateqqillugu.

### **Inassuteqaat**

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- suliaq Aningaasaqarnermut Inuussutissarsiornermullu Ataatsimiititamat ilisimatitsissutitut ingerlateqqinneqassasoq.

### **Suliassamik saqqummiussineq**

Tasiilami suliniuteqarnerit nutaat pisariaqartinneqarput. Suliniutit meeqqat inuusuttullu amerlavallaat assigiinngitsunik annertussusilinnik sumiginnarneqarnermik atugaqartut pillugit ajornartorsiutinik annertuunik pitsaaliueqataasinnaasut. Katsorsaavik Anaanat Meeqqallu Illuat eqqarsaatigalugu siunertaavoq, meeraaqqat inuunermik pitsaasumik toqqissisimanartumillu aallartitarnissaannik aamma angajoqqaat angajoqqaatut isumaginninnissamat annertuumik ikorfartorneqarnissaannik ilitsersorneqarnissaannillu qulakkeerneqarnissaannik siunertaqarpoq. Tamanna pissalluni peqqinnissamat, perorsaanikkut isumaginninnikkullu tunngasunik ilisimasalinnik pikkorissunillu qanimut malinnaaffiginneqarnikkut ikorfartorneqarnikkullu. Neqeroorut peqqinnissamat ulluuneranilu neqeroorutitut tunngasunik suliallit aamma Meeqqanut Ilaqutariinnullu Ingerlatsivik qanimut suleqatigiinnerisigut pissaaq, kingullertullu taaneqartumit akisussaaffigineqarluni. Taamatuttaaq soqutigisaqaqatigiit illup avataaniittut arlallit attuumassuteqartinneqassapput. Anaanat Meeqqallu Illuat sullinniakkanut ulluunerani neqerooruteqassaaq kiisalu ulloq unnuarlu inissamik pisariaqaleriataartoqartillugu ataatsimik marlunnilluunniit inissaqartitsissalluni. Sapaatip-akunnerini ullut tamaasa ammasarfia nal. 8.00 – 20.00. Ilaqutariit aalajangersimasumik amerlassusillit neqeroorummut ilanngunneqarsinnaassapput, illumi inissaqassuseq tassani apeqqutaassalluni. Ulluunerani katsorsaasarneq qitiutinneqassaaq.

### **Aaqqiissutissatut siunnersuut – suliatigut naliliineq**

Anaanat Meeqqallu Illuat meeqqat inuusuttullu imaannanngitsumik atugaqarlutit inuusut sumiginnagaanermillu sunnerneqarlutik alliartorsimasut ikilisarneqarnissaannik iluaqutaassaaq. Assigiinngitsunik suliallit qanimut suleqatigiinnerisigut siusissukut iliuuseqarnermik suliniut pitsanngorsaanissamik anguniagaq tassaavoq, ilaqutariit meerartallit pisariaqartitsisut

ajornartorsiornerup suli nutaajunerani paasineqajaartarnissaat, taamaalilluni ajornartorsiutip annertuneruallaalinnginnerani sunniuteqarluarsinnaasumik ikorfartorneqarnissamik neqeroorfigineqarsinnaaqqullugit. Siusissukkut pitsaaliuineramik isumaginninnermik suliniuteqarnerup qitiutinneqarnera isumaqarluarpoq, inuttummi aningaasaqarnikkullu imminut akilersinnaavoq.

#### *Aningaasatigut sulisoqarnikkullu naliliinerit*

2020-mi ingerlatsinermi missingersuutit 5.250.000 koruuninik missiliuunneqarput. Isumaginninnermut Aqutsisoqarfimmut 50 procentiinik tapiiffigineqarnissamik qinnuteqartoqareerpoq, siusinnerusukkut 1.250 mio.-inik Armarngivammut tapiissuteqartarnikuuvoq, aningaasat sinneruttut inissiinnermut tunngasunik atugassiaasussaallutik. Tasiilami fagchefti suliniummut akisussaasutut inissisimassaaq. Katsorsaavik Anaanat Meeqqallu Illuat tarnip pissusiinik immikkut ilisimasalimmit (tarnikkut katsorsaasoq), ilaqutariinnik aqutissiuussisartunit sisamanit peqqissaasumillu (sundhedsplejerske) ulluinnarni ingerlanneqartassaaq.

#### *Inatsisitigut tunngavissaq allakkallu tunngaviusumik uppersaatitalit*

- Siusissukkut iliuseqartarfik Armarngivat Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq § 25 imm. 4 imm. 6 kiisalu § 26 naapertorlugu pilersinneqassaaq.

#### *Ingerlariaqqinnissaq*

Armarngivat ineriartorteqqinneqarnera allanngortinneqarneralu 2020-mi upernaap ingerlanerani pissaaq. Ulloq 31/3-20-mi aammattaaq Pitsaaliuinermut Isumaginninnermullu Aqutsisoqarfimmut ingerlatsinermut tapiiffigineqarnissamik qinnuteqaat nassiunneqarpoq, ingerlatsivillu tamatuminnga tusarsiivoq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqaatigiinneq**

Oqaaseqaateqartoqanngilaq.

#### **Ingerlatsivinnit allaniit oqaaseqaatigineqartut**

Oqaaseqaateqartoqanngilaq.

#### **Siusinnerusukkut aalajangiinerit:**

*Meeqqanut Ilaqutariinnut Atuarfeqarnermullu Ataatsimiititap apriliip 14-iani 2020-mi aalajangiinera:*  
Inassuteqaat akuersissutigineqarpoq.

#### **Ilanngussat**

1. Siusissukkut iliuseqarneq pillugu saqqummiussaq

## **Punkt 6: Taasariaqartut allat**

### **Beslutning**

Henrik Rachlev (IA): Sinnisunik aggersaaneq pillugu. Ulloq ataaseq sioqqullugu sinnisunik aggersaasaneq akissuteqarfigissallugu sivikippallaarpoq

## **Punkt 7: Oqaluuserisassat matoqqasut**

## **Punkt 07A: Lukket**

## **Punkt 8: Taasariaqartut allat**

### **Beslutning**

Imaqarniliaq akuersissutigineqarpoq nal. 15.10